

die Historias bekandt? Wie dann auch keinem weder rächtlich noch thunlich in dieselbige Land zuziehen/vmb Ross einzufauffen/vnnd herauß zubringen: Es ist sonst gleich wol der gemaine gebrauch / Wann einer ein Ross gern theuwer wolt v. rkauffen / so gibt er zuverstehen / es komme gar auß einem fernem vnnd vnbekandten Landt her / vermainer / es solle darumb desto besser vnd desto verkäufflicher sein / welches aber oft weit fehlet.

Derhalben / so will ich dasselbige ganze weitläufft'ige Werck auff ein ort stellen / vñ all: in von den jenigen meldung thun / so zum theil zu vns gebracht / vnd dann auch zum theil hey vns fallen vnd erzogen werden: Vnder denselbigen Rossen fallen nun erstlich für die Türckischen / vnder welchem Namen dann ein grosse vnaußsprechliche menngige begrieffen / Nemlich / alle die ihentogen / so in denen Landen fallen / welche dem Türcken vnderworffen seind / Die heissen wir alle miteinander in gemain / ohne einigen vnderchied / Türckische Ross: Derselbigen Landt aber seind viel / vns auch me: rertheils vn bekandt vnd vnerfahren / das keinem auß vns / ja auch den Türcken selbst / möglich ist / solche Ross in specie oder vnderchiedlich zuerzehlen / vñ noch viel minder zuerkennen / auß was Landten ein jedweders sey. Dann ich hab viel kleiner / schwächer / schmaler vnd loser Türckischer Ross gesehen / die zu einem thun gar nichts wehrt / sonder allein von wegen ihrer zärtin vñ subtiligkeit anzuschawen / gleich als solte man es von zier wegen / an eine Wandt malen / oder in ein Tapeterey würcken: Hergegen / so habe ich viel hoche / langer vnd gar schmahle Schimmel gesehen / die dermassen mit den langen Bannen vñ Halsen durch einander gaugglet / das keiner keines augenblicks seines Hals sicher auff inen gewest / die halte ich zu einem thun gleich so hanloß / als die ersten obenvermelde / aber der ziemlichten vnd nidertrechtigen / die brent von der Brust vñ Kreuz / wol vndersetzt / vnd doch gering von Kopff vnd Hals / wie ichs dann gern haben wolte / Dren habe ich gar wenig gefunden / vnd ob ich schon etwan eines derselbigen antreffen / so ist es mit Geldt nicht zubezahlen gewest: So mangeln sonst auch allerley gute Ross / nicht / welche in Sclauonia / Crabatan / Albania / auff dem Karst / Wallachen vnd dergleichen halb Orientalischen vnd halb Septentrionalischen Landen (gegen vnserer Landtsart zurechnen) fallen vñ erzogen werden / doch von Türckischen Beschellern / solliche passieren bey vns auch alle vnder dem Türckischen Namen / sie seind auch zu der Arbeit vnnd Kriege wesen sehr gut / ja viel besser / als die gemaine Türckische Ross. Ich befinde aber / das vnder allen Türckischen Rossen fürnemlich dreyerley seindt / welche insond: rheit hoch zu halten: Erstlichen aber / seindt die Persischen / so in Persia fallen / vñ ob wol dasselbige Land dem Türcken nicht / sonder de Sophi gehörig / so mögen sie doch diß orts wol vnder die Türckischen Ross gerechnet werden / weil sie durch die Türckey / oder sonst durch mittel der Türcken zu vns kommen / Diese seindt fürtreffliche Pferd / dergleichen in den ganzen Orientalischen Landen nicht gefunden werden / Dann der mehrer theil kommen auß

Media/